

von Wulf Wager

## Äwwl bloß Streit



Mei Nochbere – Sie wissat jo, des propere 150kg-Prachtsweib – ka manchmol recht nett sei. Aber ihr Ma, des ischt a reachter Giftzwerg - so wia alle kloine Männer.

Neulich war der mit seira Frau auf ma Klassatreffa von ihrer Schul'. Oiner von ihre Schulkam'rade hot mächtig zuaglangt ond war ganz schee b'soffa, weil 'r oi Glas

noch em andera zwitschert hot. Mei Nochbr hot sei propers Weib gfrogt, ob sie den kenna dät. "Nadierlich", hot se gsait, "mir warat länger a Paar als Du ond i! Ond wo mir ons trennt hend, hot der agfanga zom trenka ond seit dem nemme ufghört.

No hot mei Nochbr bloß gsait: "Wer hätt au des denkt, dass der so lang feiert?"

Nadierlich war mei propere Nochbere wega dem oleidiga Kommentar narret, om net zom saga stenksauer. Am Obend no isch se nэгgedich vor em Spiegel gstanda ond hot an sich naguckt ond war nadierlich zemlich oz'frieda. "Oje, i föhl mi alt, dick ond hässlich. Was i jetzt braucha kennt, wär, dass Du mir amol a Komplement machscht." hot se zu ihrem Ma gsait. Dodruf der: "Deine Auga funktionierat no richtig guad!"

I muaß wirklich saga, des war net arg nett. Au wenn's wöhr isch ...

Bis nэгgschd Woch'

Ihr